



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Exercitiorvm Spiritvalivm

Capilla, Andrés de

Coloniae, 1607

De paupertate spiritus. Exercit. 72.

[urn:nbn:de:hbz:466:1-53232](https://nbn-resolving.org/urn:nbn:de:hbz:466:1-53232)

MANVALE
DE PAUPERATE
Spiritus.

Exercit. 71.

*Matth. 5. Beati pauperes spiritu quoniam
ipsorum est regnum cœlorum.*

*Psal 9. Non in finem obliuio erit pauperis,
patientia pauperum non peribit in finem.*

*Psal. 10. Desiderium pauperum exaudi-
uit Dominus.*

*Psal. 23. Edent pauperes & saturabun-
tur.*

Consideratio.

CONsiderabimus quantum pla-
ceat Deo hæc virtus, quando qui-
dem primum ei locum assignauit
inter beatitudines, & ipse præ cæte-
ris eum in vita maximè dilexit, & ita
amplexatus est, vt inter amplexus
illius natus, educatus & mortuus fu-
erit.

Gratiarum actio.

GRatias agemus Deo, quod cum
ex se ditissimus esset, pro no-
bis pauper fieri vo'uerit: tum
vt inopiam nostram ditaret, cum vt
nos

EXERCIT. SPIRIT.

16

nos instrueret, quam magnum sit virtutis huius precium, quæ cor hominis à rebus creatis abstrahens, & omnibus diuitijs corruptibilibus renuncians, ipsius Dei hæres efficitur, qui se constituit hæreditatem & præmium pauperum spiritu.

Confusio.

Pudore suffundemur, considerando quam sit cor nostrum at fixum immundicie bonorum corruptibilem miseræ huius vite, ita vt etiam propter illa, ipsius Dei, qui est immensæ diuitiæ, iacturam facere non vereamur.

Petitio.

Rogabimus Dominum, vt ditissimam hanc paupertatis spiritus virtutem, quæ nobilitat possessores suos, qui thesaurum suum in solo Deo collocant illumque solum æstiment & magni faciunt, impertiantur.

Oblatio.

Offeremus nos Deo, pro amore ipsius, & huius virtutis ipsi acceptissimi-

ptissime, ad omnium rerum præsentis vitæ, & omnis consolationis à creatura proficiscentis, & omnium omnino voluptatum priuationem: dicendo cum sponsa. Dilectus meus mihi, & ego illi.

DE OBEDIENTIA.

Exercit. 73.

Philip. 4. Dominus noster Iesus Christus factus est obediens vsque ad mortem, mortem autem Crucis.

Prouerb. 15. Mens iusti meditabitur obedientiam.

Prouerb. 21. Vir obediens loquetur victorias.

1. Petr. 1. Castificantes animas vestras inobedientia charitatis.

Consideratio.

CONsiderabimus quam iustum sit vt obtemperemus Deo & omnibus, quibus ille nos obedire vult: quia si filius patri, subditus Regi, seruus Domino, debet obedientiam; multo magis nos Deo in quo omnes hi, & multi alij, tituli concurrunt. Deus enim